



**Emilía Rós Sigfúsdóttir þurfti að berjast fyrir tilveru sinni.**

FRÉTTABLAÐIÐ/  
PIJETUR

## Kraftmikil símfónía, máttlaus konsert

### TÓNLIST

#### Símfóníuhljómsveit Íslands

★★★★★

**Verk eftir Chaminade, Saint-Saëns og Brahms**

**Eldborg í Hörpu**

Fimmtudaginn 11. mars

**Einleikari:** Emilía Rós Sigfúsdóttir  
**Stjórnandi:** Eivind Aadland

„Hún er ekki kona sem semur tónlist, heldur tónskáld sem er kona.“ Þetta var sagt um Cecile Chaminade (1857-1944), en konur áttu lengi erfitt með að hasla sér völl sem tónskáld. Chaminade var þó mjög vinsæl, bæði í heimalandi sínu, Frakklandi, sem og víðar. Eftir dauða hennar hefur minna heyrst af verkum hennar, og því var kærkomið að hlýða á eins konar smákonert, concertino, fyrir flautu og hljómsveit. Hann var á dagskránni á tónleikum Símfóníuhljómsveitar Íslands á fimmtudagskvöldið.

#### Virkaði ekki alveg

Flutningurinn heppnaðist ekki sem skyldi. Verkið var upphaflega samið fyrir flautu og píanó, og þannig kemur það talsvert betur út. Hljóm-

sveitarútgáfan er alltof viðamikil og á tónleikunum var einleiksflautan kaffærð aftur og aftur. Emilía Rós Sigfúsdóttir lék á flautuna; hún er vissulega frábær flautuleikari eins og hún hefur sýnt og sannað í gegnum tíðina. Hér þurfti hún hins vegar að berjast fyrir tilveru sinni. Ekki aðeins var hljómsveitin of hávær, heldur var hljómsveitarstjórnin, Eivind Aadland, ekki nógu sveigjanlegur. Þau tvö voru ekki alltaf samtaka og á tímabili var það pinlegt áheyrnar. Það var eins og Frída væri að dansa tangó við Dýrið, sem steig á tærnar á henni í sífellu.

Emilía Rós lék annað stutt verk með hljómsveitinni, Rómönsu eftir Camille Saint-Saëns. Það var ósköp máttlaust. Tónsmíðin var óspennandi, laglinurnar voru væmnar og hljómsveitarróddin litlaus og óáhugaverð. Eftir því var tónlistin leiðinleg.

#### Magnaður Brahms

Meira var verið í fjórðu símfóníu Brahms. Hún er undurfögur. Bæði er hún viðkvæm, en líka skemmtilega hvöss. Síðasti kaflinn samanstendur af fjölmörgum tilbrigðum við stutt stef sem er leikið í upphafi. Yfirbragð kaflans er hrjóstrugt og

lokahnykkurinn magnaður.

Brahms gat verið óttalegt kvikindi í samskiptum sínum við aðra, ekki sist kollega sína. Eitt sinn var hann að spila á píanó með sellóleikara. Rétt eins og Dýrið í tangónum við Fríðu var hann full kraftmikill. Á eftir kvartaði sellóleikarinn, sagðist ekki hafa heyrt í sjálfum sér. Brahms svaraði: „Þú ert heppinn. Ég heyrði í þér!“ Andrúmsloftið í lokakafli símfóníunnar var einmitt eitthvað á þessa leið. Tónlistin eirði engu.

Eivind Aadland sýndi góða tilfinningu fyrir símfóníunni. Flæðið í túlkuninni var sannfærandi. Hápunktarnir virkuðu eðlilegir og rauði þráðurinn slitnaði aldrei. Mýktin var líka til staðar, og skapaði áhrifaríkt mótvægi við árasargirnina. Útkoman var sjaldheyrður unaður, ekki sist vegna þess hve vel hljómsveitin spilaði. Hver einasti tónn var á sínum stað. Samhljómurinn var þéttur og fallega mótaður, mismunandi hljóðfærahópar voru með allt á hreinu. Þetta var sniðl.

Jónas Sen

**NIDURSTAÐA:** Flautuverkin ollu vonbrigðum en fjórða símfónía Brahms var himnesk. Eða djöfulleg.

# Greiðsluáskorun

**Innheimtumenn ríkissjóðs skora hér með á gjaldendur eftirtalinnar gjalda að gera skil nú þegar eða í síðasta lagi innan 15 daga frá dagsetningu áskorunar þessarar:**

**Gjöldin eru:** Staðgreiðsla tekjuskatts, útsvars og tryggingagjalds sem fallið hefur í eindaga til og með 15. mars 2021, virðisaukaskattur sem fallið hefur í eindaga til og með 5. mars 2021 og önnur gjaldfallin álögð gjöld og ógreiddar hækkanir er fallið hafa í eindaga til og með 15. mars 2021, á staðgreiðslu tekjuskatts, útsvars og tryggingagjalds, virðisaukaskatti, virðisaukaskatti í tolli, vanskilum launagreiðenda á gjöldum í og utan staðgreiðslu, fjármagnstekjuskatti á skilaskýlda aðila, áfengisgjaldi, bifreiðagjaldi, úrvinnslugjaldi, olíugjaldi, kílómetragjaldi, gistináttaskatti, fjársýsluskatti, vinnueftirlitsgjaldi, vörugjaldi af innlendi framleiðslu, vörugjaldi af ökutækjum, eftirlitsgjöldum, árgjöldum, aðflutningsgjöldum, skilagjaldi á umbúðir, fasteignagjöldum, skipulagsgjaldi, skipagjöldum, jarðarafgjaldi, sektum skatttrannsóknarstjóra, ógreiddri uppbót á eftirlaun, ógreiðslu stuðnings úr ríkissjóði vegna greiðslu hluta launakostnaðar á uppsagnarfresti, eftirlitsgjaldi Fjármálaeftirlitsins, árgjaldi handhafa markaðsleyfis, veiðigjaldi og álögðum þing- og sveitarsjóðsgjöldum, sem eru:

Tekjuskattur og útsvar ásamt álagi á ógreiddan tekjuskatt og útsvar, útsvarsgjald, gjald í framkvæmdasjóð aldraðra, slysatryggingagjald vegna heimilisstarfa, auðlegðarskattur og viðbótar auðlegðarskattur, fjármagnstekjuskattur ásamt álagi á ógreiddan fjármagnstekjuskatt, ógreiddur tekjuskattur af reiknuðu endurgjaldi ásamt álagi, búnaðargjald, sérstakur fjársýsluskattur, sérstakur skattur á fjármálfyrirtæki, jöfnunargjald alþjónustu, ógreiddar barnabætur og ógreiddar vaxtabætur.

Fjárnáms verður krafist án frekari fyrirvara að þeim tíma liðnum fyrir vangoldnum eftirstöðvum gjaldanna ásamt dráttarvöxtum og öllum kostnaði, sem af innheimtu skuldarinnar kann að leiða, á kostnað gjaldenda.

Athygli skal vakin á því að auk óþæginda hefur fjárnám í för með sér verulegan kostnað fyrir gjaldanda. Fjárnámsgjald í ríkissjóð er allt að 25.000 kr. fyrir hvert fjárnám. Þinglýsingargjald er 2.500 kr. auk útlagðs kostnaðar eftir atvikum. Eru gjaldendur hvattir til að gera full skil sem fyrst til að forðast óþægindi og kostnað.

Þá mega þeir gjaldendur, sem skulda staðgreiðslu, staðgreiðslu tryggingagjalds, vörugjald, afdreginn fjármagnstekjuskatt, áfengisgjald, fjársýsluskatt, gistináttaskatt og virðisaukaskatt, búast við því að starfsemi þeirra verði stöðvuð án frekari fyrirvara, þeir gjaldendur er skulda bifreiðagjöld og kílómetragjald mega eiga von á að skráningarnúmer verði tekin af ökutækjum þeirra án frekari fyrirvara og þeir gjaldendur sem skulda gjöld þar sem lögveð fylgir mega búast við að send verð út sérstök greiðsluáskorun fyrir gjaldföllum kröfum. Greiðsluáskorunin hefur ekki áhrif á þessi innheimtuúrræði þannig að fyrrgreindur 15 daga frestur frá dagsetningu áskorunar þessarar gildir ekki í þessum tilvikum.

Reykjavík, 16. mars 2021

Ríkisskattstjóri  
Sýslumaðurinn á Vesturlandi  
Sýslumaðurinn á Vestfirjörðum

Sýslumaðurinn á Norðurlandi vestra  
Sýslumaðurinn á Norðurlandi eystra  
Sýslumaðurinn á Austurlandi

Sýslumaðurinn á Suðurlandi  
Sýslumaðurinn í Vestmannaeyjum  
Sýslumaðurinn á Suðurnesjum

L A Z B O Y®

Live life Comfortably.®



### PINNACLE

Þægilegur 3ja sæta La-Z-Boy sjónvarpssófi með niðurfellanlegu borði. Fæst í svörtu eða brúnu leðri.

Stærð: 201 x 95 x 105 cm.

ÞÚ SPARAR 60.000 KR.

**379.990 kr. ~~439.990 kr.~~**

L A Z B O Y®

**BARA Í HÚSGAGNAHÖLLINNI**



### STANLEY

Nettur RAFDRIFINN LZB lyftistóll. Brúnt eða ljóst áklæði. Þessi leggur þig útaf og lyftir þér til að gera það auðvelt að komast úr stólum. Stærð: 84 x 91 x 109 cm

ÞÚ SPARAR 30.000 KR.

**169.990 kr. ~~199.990 kr.~~**



HÚSGAGNA  
HÖLLIN

www.husgagnahollin.is  
Sími: 558 1100